

ОСНОВНЫЕ ТЕКСТЫ СЛУЖБЫ И ПЕСНОПЕНИЯ ДЛЯ ОБЩЕНАРОДНОГО ПЕНИЯ

Неделя 20-я по Пятидесятнице, глас 3

Прп. Иова, игумена Почаевского

Свт. Димитрия, митр. Ростовского. Вмц. Параскёвы, нареченной Пятница.

Мчч. Терентия и Неониллы и чад их: Сарвила, Фота, Феодула, Иеракса, Нита, Вила, Евникии (ок. 249-250). Прп. Стефана Саваита, творца каноние (IX). Свт. Арсения I, архиеп. Сербского (1266). Сщмч. Иоанна пресвитера (1918). Мчч. Африкана, Терентия, Максима, Помпия и иных 36-ти (III). Сщмч. Кириака, Патриарха Иерусалимского (363). Сщмч. Неофита.

ВСЕНОЩНОЕ БДЕНИЕ

БЛАЖЕН МУЖ

Блажен муж, иже не иде на совет нечестивых. Аллилуиа, Аллилуиа, Аллилуиа.
Яко весть Господь путь праведных и путь нечестивых погибнет. Аллилуиа (трижды).
Работайте Господеву со страхом и радуйтесь Ему с трепетом. Аллилуиа (трижды).
Блажени вси надеющиеся нань. Аллилуиа (трижды).
Воскресни, Господи, спаси мя, Боже мой. Аллилуиа (трижды).
Господне есть спасение и на людех Твоих благословение Твое. Аллилуиа (трижды).
Слава, И ныне: Аллилуиа (трижды)
Аллилуиа, Аллилуиа, Аллилуиа. Слава Тебе, Боже (трижды)

СТИХИРЫ НА ГОСПОДИ ВОЗЗВАХ:

Господи, возвах к Тебе, услыши мя. / Услыши мя, Господи.

Господи, возвах к Тебе, услыши мя: / вонми гласу моления моего, / внегда воззвати ми к Тебе. / Услыши мя, Господи.

Да исправится молитва моя, / яко кадило пред Тобою, / воздеяние руку мою / – жертва вечерняя. / Услыши мя, Господи.

Изведи из темницы душу мою, исповедатися имени Твоему. [СТИХИРЫ ВОСКРЕСНЫЕ]:

Твоим Крестом, Христе Спасе, / смерти держава разрушися, / и диаволя прелесть упразднися, / род же человеческий, верою спасаемый, // песнь Тебе всегда приносит.

Мене ждут праведницы, дондеже воздаси мне.

Просветишася всяческая / Воскресением Твоим, Господи, / и рай паки отверзется, / вся же тварь восхваляющи Тя, // песнь Тебе всегда приносит.

Из глубины возвах к Тебе Господи, Господи, услыши глас мой.

Славлю Отца и Сына силу, / и Святаго Духа пою власть, / нераздельное, несозданное Божество, / Троицу Единосущную, // царствующую в век века.

Да будут уши Твои, внимлюще гласу моления моего.

Кресту Твоему честному поклоняемся, Христе, / и Воскресение Твое поем и славим. // Раню бо Твоею мы вси исцелехом.

Глас 1: Аще беззакония назиши, Господи, Господи, кто постоит; / яко у Тебе очищение есть.

СТИХИРЫ ПРЕПОДОБНОГО ИОВА ПОЧАЕВСКОГО:

Прииде день памяти твоея, йове преславне, и воынская земля радости исполняется, яко твоим научением во православии утвердившия и твоими подвиги благочестию научившия, на твоя же молитвы уповаючи: иже, отче преподобне, испроси мирови мир и душам нашим велию милость.

Имене ради Твоего потерпех Тя, Господи, потерпе душа моя в слово Твое, / упова душа моя на Господа.

Во славней памяти твоей, угодниче Христов, монашестии собори ликовствуют, и о Богоугоднем житии ревностию распалаются, твоим же нетленным мощем поклоняющиеся, яко живущему ти с нами восклицают: отче йове, милостиве и Богоуветливе, испроси у Господа мирови мир и душам нашим велию милость.

Не используйте листы с богослужебными текстами в хозяйственных нуждах.

От стражи утренния до нощи, от стражи утренния, да уповаеи Израиль на Господа.

КТО НЕ ПОДИВИТСЯ ТВОЕМУ ДОЛГОТЕРПЕЛИВОМУ ЖИТИЮ, ОТЧЕ ПРЕПОДОБНЕ? ВО ТРИХ БО ОБИТЕЛЕХ ТВОЯ ПРЕСЛАВНАЯ ДЕЯНИЯ ПРОПОВЕДАШАСЯ, ПОСТ ЖЕ И СЛЕЗЫ И БДЕНИЕ, В ПЕЩЕРЕ СЕБЕ ЗАКЛЮЧЕНИЕ И ВО ВСЕМ СЕБЕ НЕПОЩАДЕНИЕ, НО КО БРАТИИ ЛЮБОВЬ МИЛУЮЩАЯ, ТАТЕМ ПРОЩЕНИЕ И ВСЕМ ЛЮДЕМ ДОБРОЕ НАУЧЕНИЕ.

Глас 2: Яко у Господа милость, и многое у Него избавление, и Той избавит Израиля от всех беззаконий его.

Кийими похвальными венцы увязем преподобнаго йова, веры православныя учителя и ратоборца, Божественных писаний глашатая, отеческих же преданий списателя, но и тяжких служб исполнителя, земли копанием и древес сажанием себе смирявшаго и всем образ послушания бывшаго? сего ныне нетленною славою венчает Христос Бог наш, имеяй велию милость.

Хвалите Господа вси языцы, похвалите Его вси людие.

Кийими достойными благодареньми прославим йова, почтаевскую похвалу и всея страны российскийя украшение? той бо молитвами своими небесный свет в пещеру низведе, той и по преставлении своем с небес являється и молитву возносит о напастуемых людех. тамо во славою венчает его Христос Бог наш, имеяй велию милость.

Яко утвердися милость Его на нас, и истина Господня пребывает во век.

Кийими умилёнными слезами сокрушим растленная сердца наша, зряще йова нетленное тело, еже по смерти аки живо сохраняется, но во время жития его аки мертво пребываше, постом и бдением изнуряемо? того убо подвигом подражати потщимся, да и нас во грядущем житии помилует Христос Бог наш, имеяй велию милость.

Слава Отцу и Сыну и Святому Духу.

Твоим словесем, Господи, последовав йов преподобный, вся красная мира сего во уметы вменил есть, и о юности своей нерадив, измлада монашескому послушанию вдадеса: темже демонския козни победив, адамант крепок православнаго благочестия явился есть, всю же страну сию своими подвиги просвещает. того молитвами души наша пощадит, и даруй нам помысл добрый еже прежде конца покаяния.

И ныне и присно и во веки веков. Аминь.

[Догматик, глас 3]:

Како не дивимся / Богомужному Рождеству Твоему, Пречестная? / Искушения бо мужескаго не приемши, Всенепорочная, / родила бо еси без Отца Сына плотию. / Прежде век от Отца рожденнаго без матери, / никакоже претерпевшаго изменения, / или смешения, или разделения, / но обою существу / свойство цело сохраншаго. / Темже, Мати Дево Владычице, / того моли спастися душам, // православно Богородицу исповедающих Тя.

СВЕТЕ ТИХИЙ святых славы, / Безсмертнаго, Отца небеснаго, / Святаго Блаженнаго, Иисусе Христе. / Пришедше на запад солнца, / видевше свет вечерний, / поем Отца, Сына и Святаго Духа, Бога. / Достоин еси во вся времена / пет быти гласы преподобными, / Сыне Божий, живот даяй, / темже мир Тя славит.

ПРОКИМЕН, ГЛАС 6:

Господь воцарися, / в лепоту облечеса.

Стихи:

Облечеса Господь в силу, и препоясася
Ибо утверди вселенную, яже не подвижится
Дому Твоему подобает святыня, Господи, в долготу дней.

СПОДОБИ, ГОСПОДИ, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

СТИХИРЫ НА СТИХОВНЕ [ВОСКРЕСНЫЕ]:

СТРАСТИЮ ТВОЕЮ, ХРИСТЕ, / омрачивый солнце / и светом Твоего Воскресения, / просветивый всяческая, // прими нашу вечернюю песнь, Человеколюбче.

Господь воцарися, / в лепоту облечеса.

Живопримное Твое востание, Господи, / вселенную всю просвети, / и Твое создание истлевшее призви. / Темже клятвы Адамовы изменшеса, вопием: // Всесильне Господи, слава Тебе.

Ибо утверди вселенную, / яже не подвижется.

Бог сый неизменен, / плотию страждя изменился еси, / Егже тварь не терпящи висяща зрети, / страхом прекланяшеса, / и стнящи поет Твое долготерпение: / сошед же во ад, тридневен воскресл еси, // жизнь даруя миру, и велию милость.

Дому Твоему подобает святыня, / Господи, в долготу дней.

Да род наш от смерти, Христe, избавиши, / смерть претепел еси: / и тридневен из мертвых воскрес, / с собою воскресил еси, / иже Тя Бога познавших: / и мир просветил еси. // Господи, слава Тебе.

Слава Отцу и Сыну и Святому Духу.

[СТИХИРА ПРЕПОДОБНОГО ИОВА ПОЧАЕВСКОГО]:

Монахов множества наставника тя почитаем, отче наш юве: твою бо стезю войстинну право ходити познахом. блажен еси Христу работав, и вражю обличил еси силу, ангелов собеседниче и преподобных сопричастниче и праведных: с нимиже молися Господеви, помилуватися душам нашим.

И ныне и присно и во веки веков. Аминь.

[БОГОРОДИЧЕН, ГЛАС 8]:

Безвестная Дево, / яже Бога неизреченно зачещи плотию, / Мати Бога Вышняго, / Твоих рабов мольбы приими, Всенепорочная, / всем подающи очищение прегрешений, / ныне наша моления приемлющи, / моли спастися всем нам.

НЫНЕ ОТПУЩАЕШИ раба Твоего, Владыко, / по глаголу Твоему, с миром; / яко видеста очи мой спасение Твое, / еже еси уготовал пред лицом всех людей, / свет во откровение языков, // и славу людей Твоих Израиля.

БОГОРОДИЦЕ ДЕВО, радуйся, / Благодатная Марие, Господь с тобою: / благословена ты в женах / и благословен плод чрева Твоего, // яко спаса родила еси душ наших. (ТРИЖДЫ)

ПСАЛОМ 33:

Благословлю Господа на всякое время, / выну хвала Его во устех моих.
О Господе похвалится душа моя, / да услышат коротцыи, и возвеселятся.
Возвеличите Господа со мною, / и вознесем имя Его вкупе.
Взысках Господа, и услыша мя, / и от всех скорбей моих избави мя.
Приступите к Нему, и просветитесь, / и лица ваша не постыдятся.
Сей нищий воззва, и Господь услыша и, / и от всех скорбей Его спасе и.
Ополчится ангел Господень окрест боящихся Его, / и избавит их.
Вкусите и видите, яко благ Господь: / блажен муж, иже уповает на Нь.
Бойтесь Господа, вси святии Его, / яко несть лишения боящимся Его.
Богатии обнищаша и взалкаша: / взыскающи же Господа // не лишатся всякаго блага.

КОНЕЦ ВЕЧЕРНИ. НАЧАЛО УТРЕНИ

(выключается свет, читается шестопсалмие: 3, 37, 62, 87, 102, 142 псалмы)

Не используйте листы с богослужебными текстами в хозяйственных нуждах.

БОГ ГОСПОДЬ, И ЯВИСЯ НАМ, БЛАГОСЛОВЕН ГРЯДЫЙ ВО ИМЯ ГОСПОДНЕ

ТРОПАРЬ ВОСКРЕСНЫЙ, ГЛАС 3 (дважды):

ДА ВЕСЕЛЯТСЯ НЕБЕСНАЯ, / ДА РАДУЮТСЯ ЗЕМНАЯ; / ЯКО СОТВОРИ ДЕРЖАВУ МЫШЦЕЮ СВОЕЮ ГОСПОДЬ, / ПОПРА СМЕРТИЮ СМЕРТЬ, / ПЕРВЕНЕЦ МЕРТВЫХ БЫСТЬ; / ИЗ ЧРЕВА АДОВА ИЗБАВИ НАС, // И ПОДАДЕ МИРОВИ ВЕЛИЮ МИЛОСТЬ.

СЛАВА: ТРОПАРЬ ПРЕПОДОБНОГО ИОВА ПОЧАЕВСКОГО, ГЛАС 4:

МНОГОСТРАДАЛЬНОГО ПРАОТЦА ДОЛГОТЕРПЕНИЕ СТЯЖАВ, КРЕСТИТЕЛЕВУ ВОЗДЕРЖАНИЮ УПОДОБЛЯЯСЯ, БОЖЕСТВЕННЫЯ ЖЕ РЕВНОСТИ ОБОЮ ПРИОБЩАЯСЯ, ТЕХ ИМЕНА ДОСТОЙНО ПРИЯТИ СПОДОБИЛСЯ ЕСИ, И ИСТИННЫЯ ВЕРЫ БЫЛ ЕСИ ПРОПОВЕДНИК БЕЗБОЯЗНЕН: ТЕМЖЕ МОНАХОВ МНОЖЕСТВА КО ХРИСТУ ПРИВЕЛ ЕСИ, И ВСЯ ЛЮДИ В ПРАВОСЛАВИИ УТВЕРДИЛ ЕСИ, ИОВЕ ПРЕПОДОБНЕ ОТЧЕ НАШ, МОЛИ СПАСТИСЯ ДУШАМ НАШИМ.

И НЫНЕ: БОГОРОДИЧЕН ВОСКРЕСНЫЙ, ГЛАС 4:

ЕЖЕ ОТ ВЕКА УТАЕНОЕ / И АНГЕЛОМ НЕСВЕДОМОЕ ТАИНСТВО, / ТОБОЮ, БОГОРОДИЦЕ, СУЩИМ НА ЗЕМЛИ ЯВИСЯ БОГ, / В НЕСЛИТНОМ СОЕДИНЕНИИ ВОПЛОЩАЕМ / И, КРЕСТ ВОЛЕЮ НАС РАДИ ВОСПРИИМ, / ИМЖЕ ВОСКРЕСИВ ПЕРВОЗДАННАГО, / СПАСЕ ОТ СМЕРТИ ДУШИ НАША.

ДАЛЕЕ ЧИТАЮТСЯ КАФИЗМЫ

(ПО УСТАВУ ПОЛОЖЕНО ЧИТАТЬ 2 КАФИЗМЫ, НО В РАЗНЫХ ХРАМАХ В ЗАВИСИМОСТИ ОТ ТРАДИЦИИ, ЧТЕНИЕ ПСАЛТИРИ МОЖЕТ БЫТЬ СОКРАЩЕНО ДО 3-Х ПСАЛМОВ ИЛИ ВОВСЕ ПРОПУЩЕНО)

ТРОПАРИ "ПО НЕПОРОЧНЫХ", ГЛАС 5:

Благословен еси, Господи, научи мя оправданием Твоим.

АНГЕЛЬСКИЙ СОБОР УДИВИСЯ, / ЗРЯ ТЕБЕ В МЕРТВЫХ ВМЕНИВШАСЯ, / СМЕРТНУЮ ЖЕ, СПАСЕ, КРЕПОСТЬ РАЗОРИВША, / И С СОБОЮ АДАМА ВОЗДВИГША, / И ОТ АДА ВСЯ СВОБОЖДША.

Благословен еси, Господи, научи мя оправданием Твоим.

ПОЧТО МУРА С МИЛОСТИВНЫМИ СЛЕЗАМИ, / О УЧЕНИЦЫ, РАСТВОРЯЕТЕ? / БЛИСТАЯЙСЯ ВО ГРОБЕ АНГЕЛ МУРОНОСИЦАМ ВЕЩАШЕ: / ВИДИТЕ ВЫ ГРОБ И УРАЗУМЕЙТЕ, / СПАС БО ВОСКРЕСЕ ОТ ГРОБА.

Благословен еси, Господи, научи мя оправданием Твоим.

ЗЕЛО РАНО МУРОНОСИЦЫ ТЕЧАХУ / КО ГРОБУ ТВОЕМОУ РЫДАЮЩИЯ, / НО ПРЕДСТА К НИМ АНГЕЛ И РЕЧЕ: / РЫДАНИЯ ВРЕМЯ ПРЕСТА, НЕ ПЛАЧИТЕ, / ВОСКРЕСЕНИЕ ЖЕ АПОСТОЛОМ РЦЫТЕ.

Благословен еси, Господи, научи мя оправданием Твоим.

МУРОНОСИЦЫ ЖЕНЫ С МУРЫ ПРИШЕДШИЯ / КО ГРОБУ ТВОЕМОУ, СПАСЕ, РЫДАХУ, / АНГЕЛ ЖЕ К НИМ РЕЧЕ, ГЛАГОЛЯ: / ЧТО С МЕРТВЫМИ ЖИВАГО ПОМЫШЛЯЕТЕ? / ЯКО БОГ БО, ВОСКРЕСЕ ОТ ГРОБА.

Слава Отцу и Сыну и Святому Духу.

ПОКЛОНИМСЯ ОТЦУ / И ЕГО СЫНОВИ, И СВЯТОМУ ДУХУ, / СВЯТЕЙ ТРОИЦЕ ВО ЕДИНОМ СУЩЕСТВЕ, / С СЕРАФИМЫ ЗОВУЩЕ: / СВЯТ, СВЯТ, СВЯТ ЕСИ, ГОСПОДИ.

И ныне и присно и во веки веков. Аминь.

ЖИЗНОДАВЦА РОЖДШИ, / ГРЕХА, ДЕВО, АДАМА ИЗБАВИЛА ЕСИ, / РАДОСТЬ ЖЕ ЕВЕ / В ПЕЧАЛИ МЕСТО ПОДАЛА ЕСИ, / ПАДШИЯ ЖЕ ОТ ЖИЗНИ / К СЕЙ НАПРАВИ / ИЗ ТЕБЕ ВОПЛОТИВЫЙСЯ БОГ И ЧЕЛОВЕК.

ПРОКИМЕН, ГЛАС 3: **РЦЫТЕ ВО ЯЗЫЦЕХ, ЯКО ГОСПОДЬ ВОЦАРИСЯ, /**

ИБО ИСПРАВИ ВСЕЛЕННУЮ, ЯЖЕ НЕ ПОДВИЖИТСЯ.

СТИХ: **ВОСПОЙТЕ ГОСПОДЕВИ ПЕСНЬ НОВУ, ВОСПОЙТЕ ГОСПОДЕВИ ВСЯ ЗЕМЛЯ.**

Всякое дыхание / да хвалит Господа.

СТИХ: **Хвалите Бога во святых Его, хвалите Его в утверждении силы Его.**

Не используйте листы с богослужебными текстами в хозяйственных нуждах.

В тот первый день недели вечером, когда двери дома, где собирались ученики Его, были заперты из опасения от Иудеев, пришел Иисус, и стал посреди, и говорит им: мир вам! Сказав это, Он показал им руки и ноги и ребра Свои. Ученики обрадовались, увидев Господа. Иисус же сказал им вторично: мир вам! как послал Меня Отец, так и Я посылаю вас. Сказав это, дунул, и говорит им: примите Духа Святого. Кому простите грехи, тому простятся; на ком оставите, на том останутся. Фома же, один из двенадцати, называемый Близнец, не был тут с ними, когда приходил Иисус. Другие ученики сказали ему: мы видели Господа. Но он сказал им: если не увижу на руках Его ран от гвоздей, и не вложу перста моего в раны от гвоздей, и не вложу руки моей в ребра Его, не поверю. После восьми дней опять были в доме ученики Его, и Фома с ними. Пришел Иисус, когда двери были заперты, стал посреди них и сказал: мир вам! Потом говорит Фоме: подай перст твой сюда и посмотри руки Мои; подай руку твою и вложи в ребра Мои; и не будь неверующим, но верующим. Фома сказал Ему в ответ: Господь мой и Бог мой! Иисус говорит ему: ты поверил, потому что увидел Меня; блаженны невидевшие и уверовавшие. Много сотворил Иисус пред учениками Своими и других чудес, о которых не писано в книге сей. Это же написано, дабы вы уверовали, что Иисус есть Христос, Сын Божий, и, веруя, имели жизнь во имя Его.

ВОСКРЕСЕНИЕ ХРИСТОВО ВІДЕВШЕ, поклонимся Святому Господу Иисусу, единому безгрешному. Кресту Твоему поклоняемся, Христе, и святое Воскресение Твое поём и славим. Ты бо еси Бог наш, разве Тебе иного не знаем, Имя Твое именуем. Приидите, вси вёрнии, поклонимся святому Христову Воскресению; се бо прииде Крестом радость всему миру; всегда благословяще Господа, поём Воскресение Его, распятие бо претерпёв, Смертию Смерть разруши.

СЛАВА Отцу и Сыну и Святому Духу.

МОЛИТВАМИ АПОСТОЛОВ, МИЛОСТИВЕ, ОЧИСТИ МНОЖЕСТВО СОГРЕШЕНИЙ НАШИХ.

И ныне и присно и во веки веков. Аминь.

МОЛИТВАМИ БОГОРОДИЦЫ, МИЛОСТИВЕ, ОЧИСТИ МНОЖЕСТВО СОГРЕШЕНИЙ НАШИХ.

ПОМИЛУЙ МЯ, БОЖЕ, ПО ВЕЛИЦЕЙ МИЛОСТИ ТВОЕЙ, И ПО МНОЖЕСТВУ ЩЕДРОТ ТВОИХ ОЧИСТИ БЕЗЗАКОНИЕ МОЕ.

ВОСКРЕС ИИСУС ОТ ГРОБА, ЯКОЖЕ ПРОРЕЧЕ, ДАДЕ НАМ ЖИВОТ ВЕЧНЫЙ И ВЕЛИЮ МИЛОСТЬ.

ДАЛЕЕ ЧИТАЕТСЯ КАНОН

(В ПЕСНЯХ КАНОНА, ЧИТАЕМОГО С НАЧАЛА ПОМАЗАНИЯ ПРИХОЖАН ЕЛЕЕМ, РАСКРЫВАЕТСЯ СМЫСЛ И КРАСОТА ПРАЗДНУЕМЫХ СЕГОДНЯ ЦЕРКОВЬЮ СОБЫТИЙ)

НА 9 ПЕСНЕ КАНОНА: **ПЕСНЬ ПРЕСВЯТОЙ БОГОРОДИЦЫ:**

Величит душа Моя Господа / и возрадовася дух Мой о Бозе Спасе Моем.

Честнейшую Херувим / и славнейшую без сравнения Серафим, /
без истления Бога Слова рождшую, / сущую Богородицу, Тя величаем.

Яко призре на смирение рабы Своея, / се бо, от ныне ублажат Мя вси роди.

**Яко сотвори Мне величие Сильный, и свято имя Его, и милость Его в роды родов боящимся Его
Сотвори державу мышцею Своею, / расточи гордыя мыслию сердца их.**

**Низложи сильныя со престол, / и вознесе смиренныя, алчущия исполни благ, / и богатящиеся
отпусти тщи.**

**Восприят Израиля отрока Своего, / помянути милости, / якоже глагола ко отцем нашим, /
Аврааму и семени его даже до века.**

Не используйте листы с богослужебными текстами в хозяйственных нуждах.

Всякое дыхание да хвалит Господа.

Хвалите Господа с небес, / хвалите Его в вышних. / Тебе подобает песнь Богу.

Хвалите Его, вси Ангели Его, / хвалите Его, вся Силы Его. / Тебе подобает песнь Богу.

Сотвори́ти в них суд напи́сан:/ сла́ва сия́ бу́дет всем преподо́бным Его́.

[СТИХИРЫ ВОСКРЕСНЫЕ]:

Приидите вси языцы,/ уразуме́йте стра́шныя та́йны си́лу:/ Христо́с бо Спас наш, Еже в нача́ле Слово,/ распя́тся нас ра́ди, и волею погребёся,/ и воскресе из ме́ртвых, еже спасти́ всяческая:// Тому́ поклонимся.

Хвалите́ Бо́га во святы́х Его́,/ хвалите́ Его́ в утвер́жении си́лы Его́.

Пове́даша вся чудеса́/ стра́жие Твой, Го́споди,/ но собо́р суеты́ испо́лни мздо́ю десни́цу их,/ скры́ти мня́ше воскресе́ние Твое́, // еже мир сла́вит: поми́луй нас.

Хвалите́ Его́ на си́лах Его́,/ хвалите́ Его́ по мно́жеству вели́чества Его́.

Ра́дости вся испо́лнися/ воскресе́ния иску́с прии́мша:/ Ма́рия бо Магдали́на ко гробу́ прии́де,/ обре́те а́нгела на ка́мени сидя́ща,/ ри́зами блиста́юща и глаго́люща:/ что и́щите жива́го с ме́ртвыми?/ Несть́ зде, но воста́, яко́же рече́, // предва́ряя вы в Галиле́и.

Хвалите́ Его́ во гла́се тру́бнем,/ хвалите́ Его́ во псалти́ри и гу́слех.

Во све́те Твое́м, Влады́ко,/ у́зрим свет, Человеколю́бче:/ воскресе́л бо еси́ из ме́ртвых,/ Спасе́ние ро́ду челове́ческому да́руя:/ да Тя вся тварь славосло́вит Еди́наго Безгрешна́го, // поми́луй нас.

Хвалите́ Его́ в тимпа́не и ли́це,/ хвалите́ Его́ во стру́нах и орга́не.

[СТИХИРЫ ПРЕПОДОБНОГО ЙОВА ПОЧАЕВСКОГО]:

Просия́ша по́двизи твой во стране́ га́лицей, о́тче йове: те́мже правосла́вия ревни́тели в зе́млю воли́нскую тебе́ глаша́ют, и оби́тель дубе́нская твои́м преподо́бным жити́ем украша́ется: но то́го соверше́ние поча́евская ла́вра прие́млет, вся́ же страна́ сия́ учёными твои́ми просвещáется.

Хвалите́ Его́ в кимвáлах доброгласных, хвалите́ Его́ в кимвáлах восклицáния./ Всякое дыха́ние да хва́лит Го́спода.

Братолю́бное твоё се́рдце, преподо́бне, мона́хов мно́жества на го́ру поча́евскую привле́че, ихже спа́сения бы́л еси́ ревни́тель: те́мже и мы апо́стольский глаго́л ве́дуще, яко́ никогда́же престаёт Ду́ховная лю́би, твоему́ чуде́сному попече́нию ду́ши на́ша вверя́ем, яже приве́ди ко Иису́су человеколю́бцу.

Честна́ пред Го́сподем / сме́рть преподо́бных его́.

Не сме́яше тле́ние косну́тися ме́ртваго телесе́ твоего́, преподо́бне, еже́ чрез все́ жити́е умерщвля́л еси́: ду́ша́ же твоя́, живу́щи со а́нгелы, вся́ притека́ющая к тебе́ в свою́ лю́бовь прие́млет. те́мже и на́ша ду́ши приве́ди ко Иису́су человеколю́бцу.

Бла́жен му́ж бойся Го́спода, / в за́поведех его́ восхо́щет зело́.

Не довле́ют словеса́ на́ша к восхвалению́ по́двиг твои́х, преподо́бне йове: кто́ бо изочтёт твои́х добродете́лей полноту́, кто́ уразуме́ет безмо́лвное твоё к Бо́гу собесе́дование? но не отри́ни твоя́ певцы́ и духо́вная ча́да, твоего́ заступле́ния прося́щая и о твоём свя́том жити́и умиля́ющаяся и во твоёй па́мяти веселя́щаяся.

Сла́ва Отцу́ и Сы́ну и Свято́му Ду́ху.

[СТИХИРА ЕВАНГЕЛЬСКАЯ 9-Я]:

Яко́ в последняя́ лета́,/ сущу́ по́зде от суббо́т,/ предста́л еси́ друго́м Христе́,/ и чуде́сем чу́до известву́еши,/ заклю́ченным вхо́дом двёрным,/ еже́ из ме́ртвых Твое́ воскресе́ние./ Но испо́лнил еси́ ра́дости ученики́,/ и Ду́ха Свята́го препода́л еси́ им,/ и власть по́дал еси́ оставле́ния грехо́в/ и Фо́мы не оста́вил еси́ в неве́рствия погружа́тися бу́ри./ Те́мже пода́ждь и нам ра́зум и́стинный и оставле́ние прегреше́ний, // благоутро́бне Го́споди.

И ныне и присно и во веки веков. Аминь.

Преблагослове́нна еси́, Богороди́це Де́во,/ Вопло́щшим бо ся из Тебе́ ад плени́ся,/ Ада́м воззва́ся,/ кля́тва потреби́ся,/ Ева свободи́ся,/ сме́рть умертви́ся, и мы ожихом./ Тем воспева́юще вопие́м:/ благослове́н Христо́с Бог, // благово́ливши та́ко, сла́ва Тебе́.

ОСНОВНЫЕ ТЕКСТЫ СЛУЖБЫ И ПЕСНОПЕНИЯ ДЛЯ ОБЩЕНАРОДНОГО ПЕНИЯ

Неделя 20-я по Пятидесятнице, глас 3

Прп. Иова, игумена Почаевского (1651). Свт. Димитрия, митр. Ростовского (1709).

Вмц. Параскёвы, нареченной Пятница. Мчч. Терентия и Неониллы и чад их: Сарвила, Фота, Феодула, Иеракса, Нита, Вила, Евникии (ок. 249-250). Прп. Стефана Савваита, творца канонов (IX). Свт. Арсения I, архиеп. Сербского (1266).

ЛИТУРГИЯ

1-й антифон:

БЛАГОСЛОВИ, ДУШЕ МОЯ, ГОСПОДА, Благословен еси, Господи.

Благослови, душе моя, Господа, и вся внутренняя моя, имя святое Его.

Благослови, душе моя, Господа, и не забывай всех воздаяний Его.

Очищающего вся беззакония твоя, исцеляющего вся недуги твоя.

Избавляющего от истления живот твой, венчающего тя милостию и щедротами.

Исполняющего во благих желание твое: обновится яко орля юность твоя.

Щедр и милостив Господь, долготерпелив и многомилостив.

Благослови, душе моя, Господа, и вся внутренняя моя, имя святое Его.

Благословен еси, Господи.

2-й антифон:

ХВАЛИ, ДУШЕ МОЯ, ГОСПОДА. Восхваляю Господа в животе моем, пою Богу моему, дондеже есмь.

Не надеетесь на князи, на сыны человеческия, в них же несть спасения.

Изыдет дух его, и возвратится в землю свою: в той день погибнут вся помышления его

Блажен, емуже Бог Иаковль помошник его, упование его на Господа Бога своего,

сотворшаго небо и землю, море и вся, яже в них;

хранящаго истину в век, творящего суд обидимым, дающаго пищу алчущим.

Господь решит окованныя; Господь умудряет слепцы;

Господь возводит низверженныя; Господь любит праведники;

Господь хранит пришельцы, сира и вдову примет, и путь грешных погубит.

Воцарится Господь во век. Бог твой, Сионе, в род и род.

ЕДИНОРОДНЫЙ СЫНЕ, и Слове Божий, безсмертен Сый, и изволивый спасения нашего ради воплотиться от святыя Богородицы и Приснодевы Марии, непреложно вочеловечивыйся, распныйся же Христе Боже, смертью смертью поправый, Един сый Святыя Троицы, спрославляемый Отцу и Святому Духу, спаси нас.

Блаженны:

ВО ЦАРСТВИИ ТВОЕМ ПОМЯНИ НАС, ГОСПОДИ, егда приидеши во Царствии Твоём.

Блаженни нищии духом, яко тех есть Царство Небесное.

Блажени плачущии, яко тии утешатся.

Блажени кротции, яко тии наследят землю.

Блажени алчущии и жаждущии правды, яко тии насытятся.

Блажени милостивии, яко тии помиловани будут.

Блажени чистии сердцем, яко тии Бога узрят.

Блажени миротворцы, яко тии сынове Божии нарекутся.

Блажени изгнани правды ради, яко тех есть Царство Небесное.

Блажени есте, егда поносят вам, и изженут, и рекут всяк зол глагол на вы, лжуще Мене ради.

Радуйтеся и веселитесь, яко мзда ваша многа на небесех.

Во время малого входа с Евангелием:

ПРИИДИТЕ, ПОКЛОНИМСЯ и припадем ко Христу.

Спаси ны, Сыне Божий, воскресый из мертвых, поющия Ти: Аллилуия.

ТРОПАРЬ ВОСКРЕСНЫЙ, ГЛАС 3:

ДА ВЕСЕЛЯТСЯ НЕБЕСНАЯ, / ДА РАДУЮТСЯ ЗЕМНАЯ; / ЯКО СОТВОРИ ДЕРЖАВУ МЫШЦЕЮ СВОЕЮ ГОСПОДЬ, / ПОПРА СМЕРТЮ СМЕРТЬ, / ПЕРВЕНЕЦ МЕРТВЫХ БЫСТЬ; / ИЗ ЧРЕВА АДОВА ИЗБАВИ НАС, // И ПОДАДЕ МИРОВИ ВЕЛИЮ МИЛОСТЬ.

ТРОПАРЬ ПРЕПОДОБНОГО ЙОВА ПОЧАЕВСКОГО, ГЛАС 4:

МНОГОСТРАДАЛЬНАГО ПРАОТЦА ДОЛГОТЕРПЕНИЕ СТЯЖАВ, КРЕСТИТЕЛЕВУ ВОЗДЕРЖАНИЮ УПОДОБЛЯЯСЯ, БОЖЕСТВЕННЫЯ ЖЕ РЕВНОСТИ ОБОЮ ПРИОБЩАЯСЯ, ТЕХ ИМЕНА ДОСТОЙНО ПРИЯТИ СПОДОБИЛСЯ ЕСИ, И ИСТИННЫЯ ВЕРЫ БЫЛ ЕСИ ПРОПОВЕДНИК БЕЗБОЯЗНЕН: ТЕМЖЕ МОНАХОВ МНОЖЕСТВА КО ХРИСТУ ПРИВЕЛ ЕСИ, И ВСЯ ЛЮДИ В ПРАВОСЛАВИИ УТВЕРДИЛ ЕСИ, ЙОВЕ ПРЕПОДОБНЕ ОТЧЕ НАШ, МОЛИ СПАСТИСЯ ДУШАМ НАШИМ.

КОНДАК ВОСКРЕСНЫЙ, ГЛАС 3:

ВОСКРЕСЛ ЕСИ ДНЕСЬ ИЗ ГРОБА, ЩЕДРЕ, / И НАС ВОЗВЕЛ ЕСИ ОТ ВРАТ СМЕРТНЫХ; / ДНЕСЬ АДАМ ЛИКУЕТ, И РАДУЕТСЯ ЕВА, / ВКУПЕ ЖЕ И ПРОРОЦЫ С ПАТРИАРХИ ВОСПЕВАЮТ НЕПРЕСТАННО // БОЖЕСТВЕННУЮ ДЕРЖАВУ ВЛАСТИ ТВОЕЯ.

КОНДАК ПРЕПОДОБНОГО ЙОВА ПОЧАЕВСКОГО, ГЛАС 3:

ЯВИЛСЯ ЕСИ ИСТИННЫЯ ВЕРЫ СТОЛП, ЕВАНГЕЛЬСКИХ ЖЕ ЗАПОВЕДЕЙ РЕВНИТЕЛЬ, ГОРДЫНИ ОБЛИЧЕНИЕ, СМИРЕННЫМ ЖЕ ПРЕДСТАТЕЛЬ И НАУЧЕНИЕ: ТЕМЖЕ И УБЛАЖАЮЩИМ ТЯ ГРЕХОВ ОТПУЩЕНИЕ ИСПРОСИ, И ОБИТЕЛЬ ТВОЮ НЕВРЕДИМУ СОХРАНИ, ЙОВЕ ОТЧЕ НАШ, МНОГОСТРАДАЛЬНОМУ ПОДОБНЫЙ.

КОНДАК БОГОРОДИЦЫ, ГЛАС 6:

ПРЕДСТАТЕЛЬСТВО ХРИСТИАН НЕПОСТЫДНОЕ, / ХОДАТАЙСТВО КО ТВОРЦУ НЕПРЕЛОЖНОЕ, / НЕ ПРЕЗРИ ГРЕШНЫХ МОЛЕНИЙ ГЛАСЫ, / НО ПРЕДВАРИ, ЯКО БЛАГАЯ, / НА ПОМОЩЬ НАС, ВЕРНО ЗОВУЩИХ ТИ; / УСКОРИ НА МОЛИТВУ И ПОТЩИСЯ НА УМОЛЕНИЕ, // ПРЕДСТАТЕЛЬСТВУЮЩИ ПРИСНО, БОГОРОДИЦЕ, ЧТУЩИХ ТЯ.

ПРОКИМЕН, ГЛАС 3: ПОЙТЕ БОГУ НАШЕМУ, ПОЙТЕ, / ПОЙТЕ ЦАРЕВИ НАШЕМУ, ПОЙТЕ.

СТИХ: Все языцы, воспещите руками, воскликните Богу гласом радования.

К ГАЛАТАМ ПОСЛАНИЕ СЯТОГО АПОСТОЛА ПАВЛА (глава 1:11–19)

Братия, возвещаю вам, что Евангелие, которое я благовествовал, не есть человеческое, ибо и я принял его и научился не от человека, но через откровение Иисуса Христа. Вы слышали о моем прежнем образе жизни в Иудействе, что я жестоко гнал Церковь Божию, и опустошал ее, и преуспевал в Иудействе более многих сверстников в роде моем, будучи неумеренным ревнителем отеческих моих преданий. Когда же Бог, избравший меня от утробы матери моей и призвавший благодатью Своею, благоволил открыть во мне Сына Своего, чтобы я благовествовал Его язычникам, – я не стал тогда же советоваться с плотью и кровью, и не пошел в Иерусалим к предшествовавшим мне Апостолам, а пошел в Аравию, и опять возвратился в Дамаск. Потом, спустя три года, ходил я в Иерусалим видеться с Петром и пробыл у него дней пятнадцать. Другого же из Апостолов я не видел никого, кроме Иакова, брата Господня.

ЕВАНГЕЛИЕ ОТ ЛУКИ (глава 8:26–39)

В то время прибыл Иисус в страну Гадаринскую, лежащую против Галилеи. Когда же вышел Он на берег, встретил Его один человек из города, одержимый бесами с давнего времени, и в одежду не одевавшийся, и живший не в доме, а в гробах. Он, увидев Иисуса, вскричал, пал пред Ним и громким голосом сказал: что Тебе до меня, Иисус, Сын Бога Всевышнего? умоляю Тебя, не мучь меня. Ибо Иисус повелел нечистому духу выйти из сего человека, потому что он долгое время мучил его, так что его связывали цепями и узами, сберегая его; но он разрывал узы и был гоним бесом в пустыни. Иисус спросил его: как тебе имя? Он сказал: легион, – потому что много бесов вошло в него. И они просили Иисуса, чтобы не повелел им идти в бездну. Тут же на горе паслось большое стадо свиней; и бесы просили Его, чтобы позволил им войти в них. Он позволил им. Бесы, выйдя из человека, вошли в свиней, и бросилось стадо с крутизны в озеро и потонуло. Пастухи, видя происшедшее, побежали и рассказали в городе и в селениях. И вышли видеть происшедшее; и, придя к Иисусу, нашли человека, из которого вышли бесы, сидящего у ног Иисуса, одетого и в здравом уме; и ужаснулись. Видевшие же рассказали им, как исцелился беснованный. И просил Его весь народ Гадаринской окрестности удалиться от них, потому что они объята были великим страхом. Он вошел в лодку и возвратился. Человек же, из которого вышли бесы, просил Его, чтобы быть с Ним. Но Иисус отпустил его, сказав: возвратись в дом твой и расскажи, что сотворил тебе Бог. Он пошел и проповедовал по всему городу, что сотворил ему Иисус.

Не используйте листы с богослужебными текстами в хозяйственных нуждах.